

Ҳар қарич ер халқимизнинг бебаҳо бойлигидир!

27 март 2018 йил 10.00 да институтимизнинг А ўқув биноси - 318 аудиториясида 3 курс 6-7 гуруҳ талабаларига “Давлат кадастрлари” кафедраси катта ўқитувчиси Ашуров Абдулло Файзуллоевичнинг “Давлат шаҳарсозлик кадастри” фанидан “Ўзбекистон Республикаси ҳудудларини кадастр бўйича бўлиш ҳамда ер участкалари, бинолар ва иншоотларнинг кадастр рақамларини шакллантириш тартиби” мавзуси бўйича очиқ маъруза тақдими бўлиб ўтди. Маърузада кафедра профессор-ўқитувчилари ҳамда Ўқув-методика бошқармаси ходимлари Дадахон Ходжаев ҳамда Мафтуна Тошевлар иштирок этдилар.

Маърузачи мавзуни “2017 йил 10-декабр Ўзбекистон Республикаси Президенти Шавкат Мирзиёевнинг Қишлоқ хўжалиги ходимлари кунига бағишланган тантанали маросимдаги нутқидан:

“ҳар қарич ер – давлатнинг, демакки, халқимизнинг бебаҳо бойлиги ҳисобланади. Ундан ноқонуний, ўзбошимчалик билан фойдаланишга ҳеч кимнинг ҳаққи йўқ” дея иқтибос келтирганча бошлади.

Ўқитувчи талабаларга мавзуни тушинтириш жараёнида юртимизда соҳага оид қонун ва қонун ости ҳужжалари ҳақида тушинчалар бериб ўтди. Хулоса ўрнида шуни айтиш лозимки, жаҳон тажрибасини кузатар эканмиз ҳар қандай давлатни барқарорлиги ва гуллаб яшнашининг бош манбаи бу ер ресурсларидир.

Ўзбекистон учун, бозор иқтисоди тикланаётган ҳозирги даврда, давлат мулки бўлмиш ер мулкчилигини бошқа кўринишларга, жумладан хусусий мулкчиликка айлантиришнинг иқтисодий ва ҳуқуқий асосларда амалга ошира оладиган унумли ердан фойдаланишнинг тизимини яратиш, жуда муҳим аҳамиятга эга.

Шу мақсадда Республикада ердан фойдаланишнинг ҳозирги замон талабларига жавоб бера оладиган принципал янги тизимини яратилиб, у нафақат давлат томонидан, балки бозор талабларини ва ерга бўлган мулкчилик ҳамда, хўжалик юритишни бир неча хил мулк шакллардан бўлишини ҳисобга олмоғи лозим .



Ўқув-методика бошқармаси методисти Мафтуна Тошева ахбороти